



## FOLÚNTAS

Bunaíodh Glór na nGael sa bhliain 1961 mar uirlis forbartha teanga tríd chomórtas idir grúpaí pobail. I 2014 ceapadh Glór na nGael mar cheanneagraíocht Gaeilge, ceann de na sé cheanneagraíocht maoinithe ag Foras na Gaeilge. Tá freagracht ar leith ag Glór na nGael i dtrí réimse oibre, forbairt na Gaeilge sa teaghlach; forbairt na Gaeilge i measc grúpaí pobail agus forbairt na Gaeilge i measc grúpaí fiontraíochta agus gnó.

Tá áthas ar Ghlór na nGael an folúntas a leanas a fhógairt:

### **Oifigeach Forbartha – Páirtaimseartha & Painéal Leibhéal an Oifigigh Feidhmiúcháin**

Beidh ról an Oifigigh Forbartha tiomanta don phobal agus bainfidh an ról le fás agus forbairt Ghlór na nGael trí straitéis shainmhínithe. Cuirfidh an t-iarrthóir rathúil an Ghaeilge chun cinn trí thimireacht, imeachtaí comhaontaithe agus gníomhaíochtaí pobalbhunaithe ar fud na hÉireann.

Samhlaítear go mbeidh an t-iarrthóir rathúil don ról seo ag feidhmiú i mórcheantar Áth Cliath go príomha. Sin ráite, bíonn Glór na nGael ag feidhmiú ar bhonn uile-Éireannach agus bíonn cúraim uile-Éireannach ag gach fostaí dá réir sin. Chomh maith, beidh gá a bheith i láthair in oifigí Ghlór ó am go ham.

### **Próifil an phoist**

Mar thús is obair fhorbartha phobail a bheidh i gceist, ach d'fhéadfaí béim an phoist a athrú go dtí an réimse teaghlach amach anseo. Go leanúnach beidh gá le tabhairt faoi obair thrasrannach, pobal agus teaghlach. Beidh ar an té a cheapfar ag tabhairt faoi;

- sheirbhísí Ghlór na nGael a fhorbairt sa réimse Pobal go príomha (uaireanta beidh gá le tabhairt faoi obair thrasrannach a dhéanamh)
- thimireacht a dhéanamh ar choistí Ghlór na nGael, bunú coistí nua san áireamh
- thacú le clárú, le forbairt agus le buanú na teanga i gclubanna CLG trí Fhondúireacht Sheosaimh Mhic Donncha
- thacú le comhthionscadail idireagraíochta de réir mar is cuí
- sheirbhísí a bheadh úsáideach do mhórphobal na Gaeilge & na Gaeltachta a fhorbairt
- bheith ar fáil do mholtóireacht comórtais éagsúla Ghlór na nGael

### **Cur síos ar an té a cheapfar**

- Céim ábhartha nó a chomhionann de thaithí
- Tá éirithe go maith leis nó léi go dtí seo i réimsí Gaeilge agus/nó forbartha pobail
- Ardscileanna cumarsáide idir scríofa agus labhartha, i nGaeilge (ag leibhéal B2 TEG) agus i mBéarla
- Bunscoil na ríomhaireachta
- Eolas praiticiúil ar úsáid na meáin shóisialta
- Gníomhach á c(h)oinneáil féin eolach ar chúrsaí Gaeilge, agus forbartha pobail
- Ar a c(h)umas obair as lámha a chéile le baill foirne agus le hoibrithe deonacha
- Spéis ar leith san fhoghlaim ar feadh an tsaoil
- Ceadúnas glan iomlán agus fáil ar ghluaistean

**Grád:** Oifigeach Feidhmiúcháin

**Scála Tuarastail:** De réir Ciorcláin 20/2018 | Aguisín 2A (€29,609 - €49,960: pro-rata, sé sin, €14,804.50-€24,980 mar ráta tuarastal páirtaimseartha bhliantúil)

**Téarma:** Conradh 3 bliana

**Tá an post seo maoinithe ag Foras na Gaeilge.**

**Spriocdháta:**

Is gá CV agus litir chumhdaigh a chur chuig [post@glornangael.ie](mailto:post@glornangael.ie) faoin **Aoine, 1 Márta 2019 ag 5.00i.n.**

**Rialachán Ginearálta um Chosaint Sonraí (RGCS)**

Ar mhaithe lenár ndualgais a chomhlíonadh faoi RGCS tá sé riachtanach dúinn cúis dleathach a bheith againn do chuid sonraí pearsanta mar a bhaineann sé le d'iarratas a phróiseáil agus a stóráil.

Is cóir don iarrthóir a thuiscint go bhfuil leas dlisteanach ag Glór na nGael faoi reachtaíocht fostaíochta na sonraí seo a choimeád ar feadh tréimhse bliana.

Scríosfar na sonraí pearsanta seo nuair a théann an tréimhse ama sin in éag nó i gcás iarrthóir rathúil, coinnítear na sonraí pearsanta ar thaifead go dtí go gcríochnaíonn fostaíocht an fhostaí leis an eagraíocht.